



20. januar 2010

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut: Naajaani Nutaarmiunilu pisinarfeqalernissaa pillugu Naalakkersuisut sulissuteqassallutik pilersaaruteqarpat?

(Inatsisartuni ilaasortat Finn Karlsen, Siverth K. Heilmann, Knud Kristiansen, ATASSUT)

Tunngavilersuut:

Naajaani pisiniarfeqannginnera pillugu Naalakkersuisut sinnerlugit Anthon Frederiksen (K) Qanoruumi apersorneqarluni suliniutinik ilisimasaqannginnerarluni takusaqarsimannginnerarlunilu akissuteqarnera ATASSUT sinnerlugu Inatsisartuni ilaasortaataasugut assut eqqumiiginartipparput pasitsappugullu suliassani nakkutiginaqit eqqoriaalluni taamungaannaq akiuisoq.

Tassami Kommuuneqarfik Upernaviugallarmat Kommunalbestyrelsip pineqartoq pillugu Naalakkersuisunut saaffiginnissutaat pillugu paasissutissanik imaaliallaannaq Naalakkersuisoqarfimmini pissarsisinnaagaluarat.

Matumanilu innersuussutigissavarput ukiut siuliini kommunalbestyrelsiusimasut taakku pillugit pilersarusiornikummata, aammalu KNI-mi siulersuisut tamannarpiaq pillugu ukiut siuliini siunersiorlugillu pilersaarutaat paasiniarneqartarmata, ataatsimeeqatigalugit, suleqatiginiarneqartarlutillu kiisalu kommuuniusimasup Kommuuneqarfik Upernavik-up pilersaarutai (kommuneplan) Naalakkersuisut tigoreernikummassuk.

Tamanna tunngavigalugu Naajaat aamma Nutaarmiut pisiniarfeqalersinnaaneritut Naalakkersuisut sulissutiginnissamaarnersut aammalu KNI A/S tassunga atatillugu arlaatigut oqaloqatigilersaarneraat paaserusullugu ATASSUT-mit matumuuna Naalakkersuisunut apeqquteqarpugut.

Inussiarnersumik inuulluaqqusilluta

ATASSUT sinnerlugu Inatsisartuni ilaasortat